

霜

紅

龕

集

序

傳青主先生別字嗇廬學者稱之爲嗇廬先生山西太原人也不忘故國蒙難堅貞箕子胥餘之遜遁鄭氏思肖之淒苦始足喻其高節凡所遺箸三四刻矣年久零落湮鬱不彰今爲整齊網羅放逸都四十卷再板傳世國初儒者如孫夏峯胡石莊黃梨洲陸桴亭顧亭林李士室

李中孚自署二曲土室病夫

王船山及傳嗇廬氏皆遺老之魁

碩後學之津逮躡漢企宋究委窮源性情出處雖殊而學必實用動爲世法率八人而如一也其餘則羽翼而已嗇廬年次孫氏而長於胡黃故巍然爲河北大師者

垂數十年論者以聲震天下伏闕爲師義難及矣然孫
夏峯之設匱徵金營救左魏黃梨洲之袖錐對簿告祭
忠端則與嗇廬同其奮激也至於飛語下繫備極慘狀
痛亦深矣然顧亭林之濟南逆案赴鞫歸獄則與嗇廬
同其慷慨也又以世家舊族賣醫爲活哀亦甚矣然王
船山之竄身搖峒課蒙自給則與嗇廬同其骯髒也觚
稜在望仆地涕零老彌篤矣然李土室之都會昇行拔
刀自刺則與嗇廬同其倔彊也若夫蕭然物外自得天
機亭林論
嗇廬語貞不亢矣然胡石莊之不出庭戶陸桴亭之
謝絕賓客則與嗇廬同其澹定也蓋行誼卓絕頡頏羣

儒若語學術亦度越於人人而自爲宗派潛邱劄記謂

齋廬長於金石遺文嘗謂此學足以正經史之譌而補

其缺厥功甚大

約原文

按本朝莊氏

葆琛

吳氏

荷屋

爲用

金文證經之鉅子畢氏

秋駟

阮氏

文達公

爲用石文攷史

之大宗其源乃開於齋廬由是以言金石文證釋經史

傳學也全謝山撰齋廬事略曰或強以宋儒之學齋廬

原文先生二字

曰必不得已吾取陳同甫

齋廬雜記云同甫容得晦翁而晦翁不能

容同甫此亦齋廬尊揚同甫之一證

按顏習齋爲近今鉅儒

張文襄公謂其別爲宗派

乃極稱同甫見所著習齋記餘者四

卷三云陳可進之韓范一例卷六云

宋明兩代之不競

一言盡之曰兩朝是文墨

世界同卷又一條論宋儒主胡文昭而以陳氏次之又一條謂陳

氏學行雖不免雜霸而三傳顏論議先後一轍由是以
代蒼生或少有幸云云

言顏氏學風嗇廬所漸漬者也嗇廬與戴楓仲書云漢

書整俊但細領會約原文尤沓之瘕不覺盡消又云班書

終無釋手之日兩漢書人姓名韻序按本朝古文方望溪氏出始

講義法謂之正宗不百年而法弊曾文正起而補救略

撫漢書遂以跨越一代由是以言曾氏文派爲嗇廬宿

所主張者也國初鉅儒學宗漢宋旁及地志算術而已

究心子部者少況乃二氏嗇廬生際其時嶽嶽兀兀昌

言子學過精二藏乾嘉以後遂成風氣治子名其家者

有人如汪畢諸著述通釋入於儒者有人如羅臺山諸人中西大通益

抉其樊諸子道釋一以貫之名曰哲學其大無外其細無閒由是以言近日之哲學實齋廬氏之支流與其餘裔也綜是而論一二緒餘精誼所結演繹成家此余所謂齋廬之學斷非博士文人拘儒所能畧窺其津涯者也詩文見志推測如此君子觀覽尙論定焉近者西學內訌東隅外蹙作此無益玩愒時日縱成善本亦奚裨益然石莊繹志譚氏訪求於海壖擾攘之時船山遺書曾公雕刻在江皖糜爛之日儒書講習卒贊中興齋廬貞諒迴異弔詭儻承學之士聞風興起則人心世道之已蕩決者或迴瀾於學術之流行亦未可知江陰繆炎

之京卿

荃孫

上虞羅叔言參事

振玉

江夏羅微之太守

襄

熟於編槧往復商訂共成此業例並書焉宣統三年

歲次辛亥孟夏山陽丁寶銓序於太原節署

霜紅龕集目錄

陽曲傅山撰

山陽丁寶銓排類

卷一

賦

卷二

樂府

卷三

五言古

卷四

五言古

卷五

五言古

卷六

七言古

卷七

五言律

卷八

五言律

卷九

五言律

卷十

七言律

卷十一

五言排律

七言附

卷十二

五言絕句

卷十三

七言絕句

卷十四

冰鐙詩

哭子詩

上谷詩

卷十五

傳

卷十六

敘

附題辭

卷十七

書後

卷十八

題跋

卷十九

壽序

墓銘

哀辭

卷二十

記

卷二十一

碑碣

卷二十二

疏引

卷二十三

書札一

卷二十四

書札二

卷二十五

家訓

卷二十六

雜文

卷二十七

雜著一

卷二十八

雜著二

卷二十九

雜著三

卷三十

雜箸四

卷三十一

讀經史

卷三十二

讀子一
老

卷三十三

讀子二
淮南

卷三十四

讀子三
墨

卷三十五

讀子四

亢倉

鬼谷

尹文

莊
管
鄧析

卷三十六

雜記一

卷三十七

雜記二

卷三十八

雜記三

卷三十九

雜記四

卷四十

雜記五

附錄卷一

傳 事略 祭文

附錄卷二

諸家寄贈挽悼懷仰詩什

附錄卷三

本集諸刻本序例

年譜

霜紅龕集目錄

霜紅龕集卷一

陽曲傅山青主

賦

喻都賦

謹序

臣丙子丁丑以事再詣京師京間民輒流言皇
帝苦邊患宮操訓武命中官習兵陣嬪妃以下
學騎馬馳縱且南遷臣愚料皇帝無此意先是
己巳之變有大臣某首議遷有旨再言遷者死
人心乃安迄今八九年歲警烽火邊備日嚴皇
帝精察下問學識日益定喜爲此言者非庶人

之福作喻都賦其詞曰

稽古畿之營建非崇高之自閑泉德罔以及遠媮一隅而偏安蒼墅有虞君之跡會稽以覲禹而名山家天下之睿聖蓋巡狩非遊槃妣肇微于田洛保遺孕于有仍戒攸箴之罔伏詳圯避于盤庚於邠岐之世易蒸歸德之直甯嗟東遷之失計艱用武而中興遲逃責于謔台任諸侯之縱橫惟自削而人逼遂彼重而我輕斯輓輅堅拊背之請披荆有採稻之卿邪谷愁零鈴之雨錢塘泣望祭之陵也煥元運之百年盼腥聞于中土帝眷顧于崑山肇有皇之聖祖頽折木以下浣柄慧星而橫掃

載山東而被河洛扼潼關而震幽墅鷹祭鳥而犒軍舊
且中而逋虜安碣石之潢瀾輯金台之萬戶商市農畊
雲龍風虎車甲周峙威儀漢古臭辭爛蠡音寂舳塗澣
污歟埃牖聳曜睮辰樞星拱聖作物觀勢俯馭乎中原
地不同於外府故豐建康而希文鎬北平而憲老誅一
人之異議從僉謀之大同競一日之不甯貽萬年之恢
闓襟毗澶其河濟枕屨屨其居庸左袖挹其滄洋左肩
拍其行峯坵坵郭以閩閩原隰霽以瞳矐扞南京以翼
最抱中都而襁褓侯瑞輯乎明向赤子于焉懷中況乎
輪困夷庚埽墟走集山海喜峰潮河古北星基守衛延

卷一
表紆直脣關齒營小劄大勅越絕紅螺蠹抵獨石雲中
厚簷上谷勁翮懸燄煙突飛檄星的辟歷發槍梔鵲
擲勤王內援影忽響疾環壚壤之膏腴得樹植之播耘
黍稷稻粱秬稌鋪菜來牟厚蕤杭秬穰秧荒籩蕪蒔稊
秣穉生至于早韭晚菘蘆芽蒲笋葵莧茨葵萱苣荇芹
蹲鴟樹雞天花地蕈諸薺菱芡藕的青芬柑橘頻柰柿
栢栗榛櫻桃胡桃松栝栳櫻荔枝枇杷蔗欖香橙南國
嘉樹易種移根迥雨湛露英蒼實早華腴膽瘳物煩用
分皆足以補闕茸之過策饋錙之勳加以舳艫萬艘候
開艤壩香秣大秣雪燦玉硃璫倉縹廩泥停沙瀉而外

戚之家與夫中貴之舍豢畜睨乎稭稭脰脰其稭稭
若夫熟食市列殺施邸鋪麋豚韭卯牛心挑孩狗腊馬
股脾膝潤腴蒸用厭朝炙以膈哺家食易厭野味是圖
肝弓挾彈林搜水求罷熊麋鹿髦狸鼠醜有鴛有雁有
鵝有鳧有鶉有鴿有鴛有鶩有鰲覆麕掩膈膾腍乃鼠
醫與留疑復濱海而通河鯉鼈鱸鮓鰕蟬蝦鮓鮓鮓
鯉玳柱兩羸鮓鱸遙貢鮓鮓遠羅鱸鱸委蛇蹢躅巴沙
誠足嘔肪而吐朮莫不驗吮而嚙娃顧果然兮何愁惟
容體之新鮮寒綿毳以厚居溫縠絺以繼袷恐襦褌之
鹿疏勾筐篋之爛熳沓紉裏而紉下或越端而縱緣羣

續紛以萃蔡年戌削以連卷吻杼柚之拮据給消搖而
偏僂醉嬰蘭之館蜺簪蔽蒨之時妍歛歛蹢躅躡沒膏
沐倚肩曼歌縈聲豔曲呼盧博六打毬蹙踰闔羊溝之
雄林格韓盧之捷足旣不饑而不寒亦不蠶而不粟聊
相羊于高厚饒饒洄乎昧旭方令有道曾孫右老尙功
貌虎飲德彪熊御風桓桓彪彪潏潏喁喁手揮旻使膈
臆慙慙介摩挲其義仗衽袒袂其思憑噪賓早而躍菑
耶拊烹陽而泣踦童礪屈盧而淬干將怒巨靈而背燭
龍戈迴雪而辟羲馭弦宕霄而殺濤洵伊吾抵賊馬之
掌瀚海追票姚之蹤請與問罪之師誓恢陷沒之疆丕

復夫婦之仇席捲沙漠之庭塞橫山溝撤江來伏餘收
大甯拓白雲幅輿陽橫鴨綠城鳳凰恤屬國存王封銷
金甲招國殤奠廟社之靈崇山陵之光盛中興之頌求
封禪之章然後柄儒臣召太史霽聖顏降天語羞膾食
敵壇宇演千戚舞鞮鞢稽百靈之禋典嚴七萃之戎旅
服玉輅以龍馬駕屬車以駟駟杆格澤兮旂招搖揮騰
蛇兮辟雀咮驚甲作兮戒狒狒驅強良兮奔攬諸駭雄
伯兮懾騰簡迫委隨兮刃食巨慄馮夷兮捕罔象馳慶
忌兮搜林藪飛廉颺颺以四除屏翳嚙暄以上扈發孤
竹而歷北戶轉日下而揖王母勒崑崙而冊閭風小泰

山而堞梁父方辟四極以爲都又何南北之足數乃始
回雲梢與羽葆旋豹尾與繆龍都止輦而問俗祁案節
而觀飄駐大常于晷晷勞服力于桑農憫殿屎于風雨
審艱難于稊種喻寰宇之無事可寬徭而緩徵命有司
以休息非復前之倥匆撤摧採之監使厲寶藏之弗封
轟訇乎萬歲顒容與乎紫宮郊來麒麟之跡雲迴焦
明之文上行五帝之德下咨芻蕘之言與女息狹邪之
習謳祈招之篇翼遺唐之憂思斥鄭衛之淫儂鳩焉摟
焉陶焉絲焉宴瞿瞿焉紆厭厭焉亶胥勛以忠孝樂天
都之萬年

唐林日誦上似有
脫字宜加土字

無家賦

某嘗讀漢將軍霍去病傳以未滅塞外匈奴恥
爲家曰嗟哉天乎斯何時也桑弧蓬矢我非男
子也哉顧孱弱不振痛哭流涕之不遑尙安能
汲汲室家也者作無家賦

鼎湖之龍髯隸驕髣髴而曄歸兮嬰聃聃而胡蚺蚺以
蝮蝓角栲栳解船而舛解解以眩資兮鱗燭燭以暉曠
浴瞰朧駢鹽撈駁而螟墮蜉兮尾鈐鋹髡以綽屐遁
寇隨而靄霧靄靄兮倏引電而燐戾以煜雲雲黼黻
黼而來頤兮蟬翳伯儼以蠖略蠃蹇蜚蜚而生璘璘兮

蹇踏蚺蜥以跬蹠黃帝乘以御天兮余安歸而誰適羌
僬而操抁兮拾硃俾而不迺二嬈知余之介金兮推紫
貝斑駁之闕以余留潔皜皜而可寯兮恥解佩以夷猶
玉女卦賁而嬋娟褊褊兮終不問夫必如靈媧抱琴而
操撝澈冽兮恐譏於淫心而瑱耳西王母戴勝而下賓
兮伯仲季三鴛鴦蹉頡頏而致辭下都與密都而駢羅
兮翹陸吾武羅以司之虎身爪而人面九尾兮豹文小
腰而白齒是皆職上帝之囿時也爾迺迺其山則槐江不
周軒轅符惕其狀則嶠崑崙而扈摧崑以崑嶙兮歸昨
崑以屹嶠密居窟而嶽嶽兮墮嶠崑而隄嶠嶠以崑崑

屈碑碎以徑猗轆轳兮經陁峴砮以繖裕巘崿而砥
礎兮忽節荊以略嶧乍礎礎而寮刺兮復迤嶠而立以
崩芳翠微厓屨之間其木則彫棠帝室薊柏檣楸格
栢櫺迷穀四照帝休五衢緯以瑯玕甘檻被以珠聖玕
琪青樂繁觸而方攘又儼侗以靈壽朱威文玉埴壘而
玢幽神民之建九櫺九栒而百仞無枝爰風櫺柅而攢
攢掩菱醢莠以溷蒞合藥之齋員神魄氏之宮在焉不
死之藥則有猿薰薷藜藿荻梨不飢之祝餘無條拉
遷而栢榮幽醴颯纒以葍蔚馨馥心而洗魂無慈猶之
燭揆其中則鸞鳳權盾而歌舞當扈鵠鷁鷁鷁鷁鷁羽

翻翅以飀翾青畊灌灌翼翾翾以絃翾馱翾翁而翾翻
遠鳶鷁跂踵之毒喙長安甯而不飧蹇其獸則魑貉騶
虞當康恥僂赳之蹠蹕兮彳亍踳踳而踳規桀乘黃狐
狀而負負兮一乘之壽二千許羣無口而不可殺兮安
知朱厭獬狴之作忤折蝦蟇而亘橋兮玉膏皓泚於其
池泚泚智兮以瀕濫兮鼎滌漩還以濯洄灌玉榮而植
瑾瑜兮游鯨鮪與珠蟹冉遺歸休乎此亦足以爲君之
室家何衆媿之續續招招兮余乘風颺颺而直舉戒前
轍之脫輶柅輪兮謀及婦人而致退也思朱蠹之限瞬
而西警誓兮悠所期之不至從大人於中州兮政連道

於周行見綺錯之逞來兮徇絡幕而登降飛廉憒而先
驅兮埽塤垠壙而不揚靈霍警而威仰蹕兮役嫫怒而
儻游光屏翳灑而霖霖兮亦不敢淫灂而淖澗樞紐征
營而跂蹻兮招矩偕光紀而趨蹌泰逢躋躋以部伍兮
蠶圍躡蹠而搜藏計蒙蹇躋昌豔而踴躐兮驕蟲嚴導
而踣踣江疑魑魍而懾引兮英招邁邁而憤忡萬乘夥
侈以獻獻兮竿格繹而彗贅旒旒長孛於左纛兮錦翟
方鉞繁廡而紛糾樹旬始之椽梢兮鈇鑕與羽葆而並
修戚鉞鏘鏘而不銹兮握譽炫燿而結綢旗招搖而袞
袞裝綬兮蔽象輅之青虬伏雲階而仰敝兮錫金簡之

乾符董百靈以捫捩其車巢輶則撐岑而昭邈輶輶則
循轍以嶢嶠至於輶輶輶輶輶輶輶輶輶輶輶輶輶輶輶
因輶而輶輶輶輶輶輶輶輶輶輶輶輶輶輶輶輶輶輶輶
夾翼銅雀翻羽狎魚之乘被以玫瑰金梁瓊衢之鞍鬣
髻鬣而赴六轡之韉輶兮餽日月而踐蹂以會鸞於是
載嫵婉穠穠之翠鳳兮立蛇騷殺以蟠蜿鵬鵬鷹鳶背
爪利於吳戟兮駭若搏而驚鵬鵬熊虎齟齬而馘歟以
赫啗兮附帛傾而撲掩鎗稍鏃鋌鴻網以鱗鍵兮又次
之以戲戲鏗鏗鏗鏗鏗鏗鏗鏗鏗鏗鏗鏗鏗鏗鏗鏗鏗
以鏢盜戕穢舒戕過鵠鵠之臂鏗兮復列鏃盾與受鋌

士皆僂堙鐸父邢蒯申鮮虞之徒貫二旅三屬鉛鑠鉅
鑑之甲纓兜鍪以纓胡兮襲韎韐及袒袂縶縶之鞬
絡兮佩孟勞而跨拍激大屈弮弮而盈羈兮飛螭鑑鑑
慘削以叢服猶齡類以躊躇兮陸梁趨趨以佺仵軼軼
睢盱而鶚睹兮競賈勇而蠶軼鉦氣蟄而靡憊兮夔鼓
闐而騷瞿以鵠踢劓蝟蝟兮撼天吳剗蠱雕兮搯土螻
剗窮奇兮剗攬彪剗蠱姪兮剗突窳攬狍鴉兮剗犀渠
驅不若於絕域兮槃祁連而廣浚嵇躅余吾而繫肱雷
兮禪姑衍而封居胥溝私渠而洫員海兮又何撒江島
綠之足數朝大人於泰階九級之靈都兮眾星獍獰而

垣紫府悠裊謀之蟻蠊兮
愍曆詒之杈枒以傾囊
鯁立覈之振域而匱攢兮
貸始元而借黃亥
匱瞞助而匪萬倍兮
黜智矚而絕利守寒門之
巖辭以嶮巖兮入絳宮
而是憩

秋海棠賦

爰有秋榮臨池眩瞳影涵鏡碧漪惹雲紅細風答豔涼
月贈濃蕤赫蹏之金菱羞飛燕于珠宮有嬌者姊同稱
異志慮遲暮之無知競芳容于桃李遺姝妹兮不來枕
簟涼兮自矢霜欲下兮強妍雁南聲兮淚紫雌霓寫帶
兮遙霞綴裳藉翠葉之胥來兮娟慵卧于玉牀寒生疊

今猜醉妮憐豔兮疑香不堪見老菊兮右籬蒼蒼感時
顧景兮增好色之愁腸

此廿年前筆已久不復記憶矣丁亥夏過晉祠示周
出稿命書之迴視少時信筆遊戲不無輕跳今年四
十餘半老夫矣歲月爾爾念之生慨

鸛巢琴賦

夏日過不塵先生書齋見鸛子結巢壁上之琴
歸而感梁子之所與友者如此而已因爲賦之
伊余讀南史馬樞之傳曰有雙鸛兮庭棲時往來於几
案信高士之無機感仁人之難遇茲萬物兮懷疑不謂

德輝之靡遠兮在蘆鶩之清溪有孤琴之懸壁來胤子
兮啣泥信莊生之曠論鳥莫智於鵲鵲夫豈無兮芳塵
之樓與夫芸暉之牆恐主人之未信將貽笑於處堂乃
迴翔而後集見伊人兮水方彼則高山兮流水我其鳳
覽而鷗忘羽差池兮喻高漸之鴻儀音上下兮調無絃
之宮商遂卜居於焦桐之尾益長謝乎文杏之梁吁嗟
鵲兮爾其樂梁生之貧兮梁生貧無以爲糧抑愛梁生
之清兮彼復清冷而無裳爾其取梁生悠遠之韻兮惟
在蘆渚水湄月夜龍吟一鼓之琳瑯爾乃移家其上使
先生金玉其音兮徒效子桑趨舉而旁皇然而人多不

顧爾獨來翔其庶幾乎梁生鍾牙之輩足慰知希者于
寂寞之鄉爾能不爲世人之涼薄兮每秋去而春來我
亦請與爾主人申盟兮終不改絃而更張

麤齋盟陀南賦

時新第一鮮潤斯今冰蠶初蠕雀舌方鵲青珠色重碧
玉光沈嫩難大嚼香飮寸心眼根味在舌際非尋齒頰
生慧淡傳不任腹尺薄劣肉食非夫細揉碎簸取精于
粗鹽飛水晶茹藟靈蔬何者肥臙其美不圖無明不增
唐園非徒嘉種妄噉爲有爲無潤益生死雨露之孤感
此時序老大及吾田父坐殺不知魏牟麥飯幾時與此

不侔酸醎辛苦而作滯留牙後生愧足見風流卽此不
昧荒我神州侈滑恣膩爲胃海羞氣旣陳厭志亦新求
不貪果然梁稻休謀空中打場只聞打麥使知食此玉
禾不撚藝此奇芒雪阡霞陌不意人間綠雪耕藉淨鍊
凝轉無異水碧握之不盈墮螭如釋連連善善服之無
斃

薺薺小賦

青青之穰最宜薺薺中心念之三釜不腆口體非孝辟
穀信善仲由之負何自偃蹇悠悠蒼天生我太謫四兩
不舉五十有佰還顧子弟覲指書卷我不責爾朝茶暮

飯爾有仔肩我腹便便子弟遇我亦云奇緣人間細事
略不讓譏還問老夫亦復無言俛俛任運已四十年

丁酉既熱睡足起遲略覺精神適有此柬率意捉筆

朝沐

朝沐兮無言無言兮撫盤不由兮終古知不由兮何苦
夢躍立兮惓惓孰申申兮督余蹇浮淮兮渡江奈曾憂
兮不忘攬河入海兮遺憂雷電冥冥兮臨鬱州鬱州兮
拳石愴臣心兮五百田客五加兮采采藤夜交兮可喜
薜荔兮離離不遑衣之兮臣母老矣諗甲申以來兮何
生人之樂致堪包羞被恥兮重之以甲午之情事憶使

九日不食兮溘此微氣老母之哭臣兮至今亦旣期頤
菽水兮豈不有弟焉任之齋志長逝兮如有覲之孱孱
屏屏兮何爲臣志兮獨知獨知兮良難筮草昧兮遇盤
桓盤桓兮倏踰大土豫度遘之兮復多齟齬顛種種兮
上怒不可已兮心腐晞髮兮河渚浩歌兮顧汝顧汝兮
方將思有戟兮須黃聊隱忍兮文章物玩之久兮虞淪
降道師友兮以明哀此非兮用匡

夢賦

噩宜櫛兮精馳瞽寥悄兮荒祠顛燹燹兮丹暉梭嶽嶽
兮朗眉靈不怒兮憑几巍翼善兮赭衣探琅玕兮弈棋

嘿摩娑兮凝思凝何爲兮逐遲豫順動兮介幾筭羣羊
兮雖釐晰三七兮拊遺神手談兮殺機弔陰陽兮匪夷
鋪漢局兮威儀髣髴兮指揮握廟算兮星飛奉檜楫
兮不違

黠黠賦

黠一黠兮和澤蘭而負塗謂羣瞰以姤修兮孰知其爲
辱余容神壇村社兮般紛紛逐簫鼓羌誰諒此晨華夕
月兮嚴獨鉗厥門戶徐夫人兮深懷擬眈眈焉刺誰負
夫君兮徒繁睨舉世焉當施時嗃嗃兮嘻嘻如無心之
卷施夫固知陽之窮兮孰兆此陰之謀有姊妹兮謂予

以不藏還有聞之兮自信而中涼欲陳辭以致謝兮痛
啁嘶其不可明原夫謂之兮豈涕泣以正也謏幸若我
何爾兮快嗜競也我益於此佩德兮使我不異乎衆行
噴吾離其內毀兮外庶消其雀騰礪暗沫以自塲兮矢
常汚而不清於夫君兮何裨有難訛乎崩中

侖蹟賦

侖蹟數之戢善兮道括之而不與期二有不可知兮惟
要之於三也危聖人曰妙觀不必兮必之則悲夫然後
知不知知病兮知不知所以上何必我之明兮何必人
之罔何必人之遲兮何必我之諛以是而兵日弭兮亦

聊以葺吾之枳卽不得已而用之兮不可勝豫於此豈
聞受降如受敵兮睨香象之於鼠愚者謂之過兮孰測
其優以理如是而多所容兮固容於枳之外也不敢且
以與物兮如不能之能也藏不虞以生心兮於不相往
來邁矣空非軍之地兮軍於空者誰其敗矣空軍而軍
空兮神武所以混同勢漣淩於駕馭兮心窈窕於羲農
聖人憂於天地兮其不憂之師天地而無窮

好學而無常家賦

何人生之蹙迫聽日月之虛耗罔耳目之聰明受聲色
之導盜遡疏乞於循飛攬荒唐以觀妙莫不有其嗜慾

澹不知其所好慙混沌之既鑿惜見聞之不博聊汎濫
於古今孰載籍非糟粕舍臭腐無神奇悟輪扁於妙斲
據大魁以流眄悲原伯之廢學但聞道卽吾師羣可樂
而友之豈山川之能閒川至海而終期何妻孥之足累
果百氏以忘饑不沾沾於故紙仍非罔於思維山經若
地如圖信足跡以搏扶從憐目之風飄螺舟而舟浪桴
覽自然之古道唾王鄭之易疏異忘年之挾策還萬有
於一無邈雲霞夫徜徉隨鴻鵠以翱翔知山川之迂曲
洞天地之圓方辨三幡以同歸書八角而垂芒超書契
以充護釋名道之非常以有涯隨無涯深有取於南華

仰屋梁而憧憧誰少異於井蛙觀票騎之略遠臨瀚海
而無槎彼區區之富貴尙不屑乎爲家唐林曰山經句
有譌恐山上闕
一字而如字義也螺舟上疑
有脫字而舟浪舟亦爲義

春日小賦

蕩蕩艸野春心是傾去人不遠悔近郊垌違人後豁曳
我柴扃雲阡雨暗雨陌雲明花離柳合日豔風輕組金
織碧分丹共青丹青界絡金碧明淫金碧挑盪丹青琤
嶸轉疏換密抽光繹精細蠡閱香詳鳥審聲端失鹵莽
緒得丁寧此時非我遽然遺形外物豈假誘我落情情
遠道近因夢入醒迴視大夢覺癡夢靈夢亂花忙花多

夢裏水前花當花外水縈縈洞不測溟漲雲平山川有
極神理不停顛倒孤月不指列星比肩步趨瞠乎不行
君不入夢謂我逕庭舉世蘄亂爾將汝迎吾將爲實吾
將爲名有內無外忍辱則榮動靜專專其神始疑古迂
今闕俄經頃營衾枕昏昏不愜其生耳目取資天地之
英東風吹衣神廬不盈謝白若惕納紅若驚華年感慨
始葉初莖不念頽暮但憐奮荅春日旣鮮新夜不冥冥
花如雪涼月如冰花翻月諜月避花偵翫而不喪虛以
損增良晝佳夜衆兆不誠勿與人事蚩蚩之氓

霜紅龕集卷一

霜紅龕集卷二

陽曲傅山青主

樂府

夕夕曲

水晶之壺葡萄之酒目成顏酡心醉非口

解一

纖阿在窗

古梅餽香蘭缸吐葩垂歡玉牀

解二

歡牀如天歡體如雲

登天抱雲愁墜儂身

解三

解珮曲

解珮不解珠解此古玉環白作蟾蜍魄紅當守宮斑

解一

解珮在何許乃在王孫園王孫起更衣明月當中天

解二

採蓮曲

採蓮採蓮欲採復憐蓮花無語蓮花有心

解一

姊選芙蓉

妹睇菡萏芙蓉顛狂菡萏覩覩

解二

花盛何許盛在中塘

儂家不逞中有鴛鴦

解三

蘭槳揮揮鴛鴦飛飛女伴無良

妬彼何爲

解四

夢中採蓮曲

風來蓮衣批搖舟向深處飛來白鷺鷥伴儂不肯去

方心

方心記燕方姬之心也姬壇酒家不壚太原張

生相而美之請聘許之父母愛姬重離約生官

而後出燕請館生如贅生審得之曰何澹清靜
其情慙也館再月生歸姬裝中黯不失儀生微
之如恐父母笑已之難壻去也生益陰敬之曰
是所謂性沈詳而不煩者矣生歸一年始再至
館姬又中喜不失儀如恐父母之笑已之狂壻
來也迎之待之飲食之旣婉孌而幽靜如人非
燕女居非燕市生日益得之敬之曰嗟佳人之
信修羌習禮而明詩者邪館幾月生又歸幾月
又來裝之迎之待之如初而日加練生日圖載
姬歸姬於是含然諾其不分喟揚音而哀嘆蓋

姬亦知父母之重離姬而又不好雅授生以計
 力困其父母而俱姬於是乎奈何其爲心也生
 約歸構裝來載姬旣期而愆之於是乎姬病書
 告生延醫請治婢生爲報書先以資往期某日
 至而又愆之郵書者舊遊一迂先生也誤謚言
 姬家疑生而迂先生日至姬家責報書姬家所
 親一少年闖然而紅鞵迂先生曰是矣是矣蓋
 迂先生不信姬之不生心於生之一年餘不來
 也且燕之姬也而迂日甚言日益繁姬頗聞之
 病於是乎加劇請死諸迂先生然中不無疑生

其有言於迂先生也不然何其期之屢愆而迂先生又生之好友而託之財者也而何其甚也會生力至又得書曰三月某日發某日當至力既發而生適又以他事發遲十日至某日姬力疾爲容備待生至如初而生不至姬父曰生不來矣姬心曰其來母曰其不來耶姬心曰其來兄弟曰不來矣姬心曰其不來邪姬不合睫三日夜而革請移牀日屬其父兄接生蘆溝橋父夕歸曰不見也兄夕歸曰不見也其母憐姬之必不能生而徒自苦也曰看渠真負汝不來矣

何不引絕自方便也姬於是閉目喉間微句句而死死再日而生至於是乎悼良會之永絕衰一逝而異鄉生當奈何其爲方之爲心也先是邦之人羣噪生日是不可已乎何好色也道人曰生惡能好色好色者古人一荀奉倩耳所謂誠其意者如好好色色何容易好也及聞姬死而又羣然慶曰生之幸也道人曰老生之常談也何幸古人云死生亦大哉而況乎待人爲苦樂之死生也嗚呼悲哉生但好色不再無色方負生邪生負方邪旣爲之記而三復君思我兮

然疑作他人有心予忖度之係之以方心一篇

方心方心然疑沈吟沈吟然疑方心奈何

解一

奈何奈何

南山暮雨北山朝霞錯罵老蕩老蕩戀家錯怨愛儂愛

儂天涯

解二

郎擔名妾飲恨一恨爺娘拗不許女隨倩二

恨爺娘窮無錢買妾命

解三

說起三恨來有淚無處灑有

口沒處寫那裏不生長生長北京家教人當瘦馬

解四前

日寄書人是郎好朋友爲郎惜財帛爲郎惜名頭

解五郎

底名頭善郎底財帛儂儂魂上泰山也爲郎知感

解六今

日來呀燒香煮茶茶老香炮風吹落花明日來哩強起

梳洗梳洗不辨傀儡不起

解七

郎好逍遙有甚遲早儂氣

一絲牀上悄悄

八解

自古皆有死也了紅顏事

九解

只是涵

胡絕不得分明訣

十解

郎若真有情妾甘紅尾生

十一解

郎

若真相弃妾作黛柱厲

十二解

弃我不弃我死得胡塗殺

謝爺謝娘閉兩眼傳語女兒莫遠嫁

十三解

嫁近休嫌貧

嫁遠休嫁山西人山西之人不知無心不知有心有心

無術耍心何益千恨萬恨難向人說妾是郎底要誰攬

掇

十四解

方心死方心生奈何方心歌作新聲新聲新聲

死於張生有話告郎郎不來聽妾命短促郎不手戮既

被郎誤豈非郎毒憶郎姓張恨郎如谷

十五解

黃泉有酒

妾當壚還待郎來作相如妾得自由好奔汝

十六解

莫舞

代漢高語

莫舞莫舞劍光耀怒客看舞歡邦淚如雨

解一

戲下之享

邦命如羊伯也蔽之奈何彼莊邦還軍中爭言伯功伯

功不在在救我翁

解二

羽暴如虎置翁高俎邦實不孝分

羹急語

解三

伯也緩辭羽乃信之侯公說來伯實存之

解四

殺邦無君烹翁無親無君四海尙有人無親天子安容

身

解五

今爲天子奄有四海承顏上壽太上皇在

解六

欲報

之德昊天罔極罔極罔極尤伯之德

解七

厥德何享侯食

射陽壽翁顧伯紀信莫當德山報垓但有心藏

解八

再拜

獻壽恩伯前祈天願伯千萬年同姓劉更名纏劉邪纏

邪帶礪綿邪聊永言邪

九解

不人不鬼篇

張本作蓋公

夢有贈老夫長聯記得山人不人山鬼不鬼蓋
公由來爲蓋公十五字演爲短歌凡九章曰山

家樂府

山人不人涼踞離羣山鬼不鬼葵藿信蕊

一解

中國有人

非陰非易蓋公蓋公清淨之宗

二解

輻輳爲車諸儒何知

醕酒相漢師在膠西

三解

酒酸魚敗切莫貪嗜雉膏不食

聖訓孔至

四解甲申正月筮得此爻

東風轉轉雨來山閒酒甘魚鮮

敢忘訓言

五解

留侯老龍傀儡沛公始終客星好時太中

安車寶劍鼓瑟侍從越降呂誅陶繇壽終

六解

重爲輕根

靜爲躁君臣子慨慷何有一身天命不由羞包於心匹

夫匹婦告仇誰伸陰符陽德聖人不仁

七解

恬澹無欲幽

心合漠戰勝喪處誰敢代斲南望介山白雲粵粵苟思

其親不盡其樂遐哉王光東海瓠落

八解

東海洋洋百谷

之王納而不盈誰測淺深沐日浴月大晦大明圓方去

我混狀落情

九解

濁漉

濁漉濁漉與清甯濁知希我貴知美斯惡濁漉濁漉甯
濁無清有心莫示有言莫鳴豈曰無言解言無人雍糾

謀婦先殞厥身婦口如箕哆侈無知男子婦口終日是
非不竊不盜穿窬之魁苦語告之不回其甘異語旁牖
無如其酣東家牆厚西隣屋高東窺西計心也徒勞老
知耄及何時逍遙程鄭實驕血氣有設降階一問醜蔑
爲憂有性不遷仁人之願神守在焉鵲鴿何怨言笑宴
宴秋雲鴻雁摩霄而南不同嚙調無亦有之天風吹散
維風無心西北東南指我蹈我匪今斯今莫不勝我匪
風之任家之長子國之大臣臣罪實多臣命實屯渾淪
元氣隱忍乾坤

羊裘

皚皚羊裘可以禦寒五月負薪披之實難道傍遺金可
以易單獨恥不拾癡公何無暑煩亦有故人天子物色
求焉衰衰尪尪遠垂大澤一竿釣不必得魚性之觀裘
亦非狂土木之安爰至於杭山中文舉先生或遺韋衣
爛不到躬豈不過矯天賦寒情吁嘻哉寒能傷體溫亦
負恥饑不可忍飽亦有悔少不勤行長不趁時百歲林
老拾穗春畦行歌何樂樂不在裘

旁剛

數數聞西河子丹世講道茲氏注虛君肝膈意
氣山中之人爲之太息今茲乃有斯人邪爲之

賦旁剛之篇

汾陽胡寬
字子丹

旁而剛而夷庚一言十萬師而嗟呼此義舉者已矣乃
知胡常爰知驃騎單豹無翼遂爲虎噬之於維智叔獨
訟宋光伊何于茲不顧人之渭陽宜訟宜殺攸宜各行
瞻彼霍太山嵒巖乎汾之陽大姬有叔陳裔焉昌源而
委而虞周陰相天下事皆如斯豈得令獨有無衣之章

石河

雪崖曰鑑盤郝姓名德新字舊甫壽陽石河
村人解元郝名聲子諸生晉府儀賓甲申之
變先生負
母寓其家

郝鑑盤六十壽同人徵詞勸觴率爾爲石河篇
石河石河有那其邁高楊冬青翳翳雲阿遡往吞灘避

地載過溫溫恭人春風分配三十餘年此意不諼今還
石河載翠其椽明哲永矢厥心石堅視彼昧昧不畏于
天昔之石河如入楊侯今之石河楊侯欲休拭目舉杯
簫鼓中流左圖右史邈焉誰儔聿念舊德有蔚其葩三
晉解元祥開日華之子之藝能世其家知命不苟逍遙
道涯柔有其舌剛無其牙三萬六千旨酒力加

太原東山冢罕山是請澤歲不雨顴厥神肆城東
鄉多祀之松寺虛館寓祀神爰有西音之亭用
娛神釐祭特羊時或設糈尙猶山經之遺將祭
之期而棟之傾臺之圯鄉之人虞若靈之來也

丹厥楹而壯厥基固以神之和也而雨之希且
以嫫于城東之隅心焉其巍是列子之所謂無
過我者也須僑之人爲之辭徵諸韓勅之陰立
儒先生之碑視此爲靡矣爰集土語爲迎送之
歌二章不文之飾懼樸之離也

拍鐃打鼓東山請爺裹衣挈糧大家小家我荷我旗汝
支汝蓋有丁有男汝莫我賴東山之人難其來臨爺欲
雨我奈何村人半夜竊請神語之許預人之知就與而
雨爺歇雨歇爺起雨起時起時歇好雨不止莫驚爺雨
甯濕我衣下民艱難只爺知之爺入我祠歇馬云好秋

成送爺許羊而禱

右迎神

靈旗紛紛龍虎其奔靈旗離離鳳凰其飛小兒采衣手
握柝枝齊聲謝雨送神其歸捉苗之難嚼青嚼白苗旣
出隴共風共電我苗之青不樓其心我苗之黃亦不合
穰糜不見葉穀不見穗蒸糜炊飯念我爺惠離畝上場
除種還租得到甕裏始有其餘收成儘够新舊得見不
問人借明年作佃今年之收誰其與之連村作社合力
舉之牽羊安神跪坐以明東山之人謂我虔誠擊鼓擊
鼓爺亦光彩明年請神雲雨其待

右送神

霜紅龕集卷二

霜紅龕集卷三

陽曲傅山青主

五言古

詠史感興雜詩三十四首

高士薄珪組蹈海心如歸賢豪喜功名快其得指揮周
公勤吐握不爲榮謙撝施施捐簞豆謂可遇渴饑但虞
靈輒餓豈識朱亥椎雄才自瞻遠卓犖亦知微徐州慕
聲名平輿龍已飛

有黃軒轅鳥賦性無妒憎蕭衍苦祁微下詔羅鵠鷗羽
毛何所知珠宮粉豔朋新人未見納鄭袖孤娉婷娉修

不自藏取惡乃衆情

孝子多迂節明王重封疆解宏非曾閔何爲辭巨創金
革不可避鎬珙六上章豈不負君命勲庸恐無光

疇咨世已遠功名士日多機變有微中詩書無以過漢
功誰第一顯赫誠蕭何嬴二動火德鄂君始不呵高士
恥結納道義期賡歌慷慨亦相諾邈矣如江河

上山采枸杞山徑多洩疏洩疏實類杞乃分刺有無灼
灼垂枝柯滴瀝紅珊瑚光耀詎不美物性恐復殊采藥
養壽命誤食當何如棄置莫嘆息此類安足儲

鄴下多才士吾獨怪鎬楨平面視甄妃何無臣主情四

顧陳阮輩鼠伏如畏烹亮非雲龍依戚施句令名鬼域
哉路生亦以高才稱

孟德張漢羅正平不可援于于岑牟衣落落鸚鵡篇天
子竟可挾賤士終難前愚者謂剛折明知當不然陳徐
早委質稱頌文翩翩一時離疾疫不聞獨長年

元龍有五敬子魚同見推吳贈無所愛魏禪能贊儀清
潔始何矯禮法終若虧知人良不易君子可方欺一身
間邴管誰必苛相疑

經術蔽腐儒文章難救時譙邵富典故建議草降辭齷
齷處人國緩急將安裨偉哉隆中人長嘯誰能知

吾聞士難得千里如比肩四海豈不廣間絕多山川知
遇信有人乃在千百年覆瓿當時誚桓子賞其言

永元有君子史策遺其名縑囊撲諫郎執法當殿廷一
語相丹旋伯堅撲獨輕遁跡宜城山酒傭留國楨直臣
豈愛死仁人爲求生此義不可泯讀之傷古情

亢桑逃尸祝穆然頤道眞伯休隱賣藥女子乃知名名
盛實恐盡釋去如遺塵況復富與貴整人毒且深鳴豫
快威福誰知攫天仁羊裘釣大澤遐哉嚴子陵旣不見
我賤豈復知彼尊流覽挹芳惠狂奴非杓人

石楠不可佩佩之心掇掇高臺不可上上之見遠道遠

道遊遨子潔皙何姣皓駿馬班隣衣光曜路旁草草木
無所知臺上人已老

明發不能寐中軫非一端呻佔銷壯志繁弱艱一關
昨有先澤耘耔非所閑戶饑勤老母晨夕炊兒餐念昔
虎頭子傭書在長安

毛義齷齪士養母苦所需檄到自可喜無檄憂何如願
言騎龍馬寶刀弓矢俱旭旦入山林雉兔隨手爰射熊
取其掌割封從圖呼微行傍河水一簪雙鯉魚日夕攜
來歸燒桂香中厨鮮羞饌金盤香飯炊彫胡兕觥酌醕
醪玉璫加醞醕長跪獻北堂千歲以承娛

菽水可盡歡聖言何其章椎牛願及時道義榮龍光房
生念母饑日爲刲豬羊親腹誰不果歐歎成盜囊有淑
陶公母一鮒不苟嘗豈其厭鮒美其子監魚梁

委委河上梁去水一尺强梁柱剗河中不怨河泥黃事
有須相成未在高其行孱鉅無權資安由見所長濡足
無所濟屑屑勞褰裳乾坤非一變得失不概量洪範列
周書箕子心終傷

爵祿未云孝承歡在順親太史救北海閒關唯慈欽賈
母誠聖善節義明古今彤管欺厥子成濟專惡名魏晉
同亂賊出反虞自天不惜覆魏鼎但傷孤母心

魁岸史五老

順庵曰史生平陽才士

樵僂彼其儔家貧嘗不飽雄

氣吞千牛桃柳炫河干聊復偕春遊俯仰張電目百壺
傾不留起舞弄負劍瑣醺駭沐猴醉過太史廬涕淚哀

千秋

天鑒無遠邇百年如朝昏人命不久駐施報嘗惛惛樂
武施未斬厲以驕伏存意天善善長豈曰厚惡人幽通
關一體斯言似有倫孟博死清節其怨龍舒君

大易訓幹蠱小宛戒忝生孝哉鍾公子申志死闕庭南
樂相不時乃獨璫逆丁吾猶及見之詩文得其英析薪
亦易荷司馬

一作流清聲
今古

不牧與有牂不田鶉生堂烹牂炙其鶉鶉美牂正肪妻
子曰厭飫鄉里欣嘉祥拘士聞之疑以爲不可嘗蘭茝
雪簋籩顙領方未央

青燈照書史惻然動吾仁賢愚去已久毀譽惟後人
巧復誰中盪舟力成塵捷捷儀秦口一辭無所陳

海上徐孝子奉母遊四方

徐道亨定海人後丐乞養母

山川豁胸臆

水陸勤膳糧母子皆自足遠廬忘橐囊長嘯謝堯舜不
匱惟其行亦有天下養不在崇高堂

華屋陳甘膳板車臨家園鶯鳩事其親不出榆枋間鵬
雛致色養負老搏青天俯覽周八荒露飲雲霞餐考槃

崑崙耶玉臺無暑寒王母命大鵞翔翔饋靈丹

羣生蝨元氣日以溷其眞龍飛震草昧掃蕩須眞人唐
虞行愈邈天眷知焉存五德遞文飾豎儒羞惡倫巢許
在盛古已恐汚其身

神器如傳舍眞人無私營天德炤海日人心消甲兵舞
羽有何威有苗歸虞庭劉季稱豁達終日憎韓彭

唐虞不可際道德將焉陳執經就腐朽無益空中塵縱
橫自一時傾危成儀秦柔舌亦有權焉得逢人臣魯連
眞奇士畫策肆賤貧

墳籍秘不見載記何其厯汎濫二千年穢雜汚神房傭

奴當染鼎因循成帝王男兒有聲靈豈借崇高揚日月
炤晝夜萬物習以常景星間代出爭仰增天章趙王草
木腐廝養精神長涼州有張李晉史生輝光

田舍謹封閉歲月歸盆罍大寶非盤杆絨膝不可藏汲
汲厭王氣愚哉秦始皇豎兒攫團黍得者矜其長既噉
復覩顧唯恐奪于旁志態亦何鄙腹飽氣不揚曠觀喜
唐林曰喜否之譌
否卽音古今字 千古乾坤眞盜囊稷契何盛際揖讓

見虞唐

細草驕夏榮一霜褫其魂靡節受所染欲落紅殷殷仰
睎高岡松黑醜無精神僊鶴鳴喬柯慘澹相主賓眷言

徑寸姿蝨蠕亦見親僊鶴但立縞蝨蠕有紅裙

雄劍不自柄觀人舞蒯緱辟擊昧虛實焉得豁所謀男
兒生無權簡閱深低頭文章費精氣僅與刺繡侔秋原
臍禽獸壯夫食其尤快哉背上箭明月眞風流

人生不相信豈但鴟與鸛跼也膾人肉謂惠當垂涎惠
也剖其心白如霜雪蠲示跼跼但笑我心胡不然中孚
信豚魚聖人何見言相疑不相害惠終感跼賢

吾觀西方書爰有共命鳥一命而歧頭性情不相了一
睡一頭醒醒者食香草私謂命非二我食彼亦飽不謂
睡者起聞香增其悞毒草瀉所私食之唯恐少前香旣

已矣毒發同死槁萬類莫不有物性良難考

反招隱

蜺堂互峻巖若囿薰玉隴有松食厭苓有雲衣無緇幽
黑少仁獸神釋心不聳絕智遊鴻濛遺形習臃腫忘我
亦已多孔道生闢茸

種薤引

傳稱李孚種薤欲以成計一根不
予人亦不自食時人謂能行意

種薤復種薤薤味多苦辛不辛復不苦何爲怨賤貧賤
賤不可苟富貴非難臻懔懔不經霜發生安見春一春
復一秋日車不久留東臯司察忙西硯返照幽照見七
尺影蚤晚不相酬有志不早定有氣空噎喉優游非不

樂氣餒志亦休休休歲云暮欲種薤已誤不見薤根長
傷心薤上露

結客少年場

快馬不在肥快刀不在長相許心如丹不在面上霜一
言決人意千里不留停笑取仇家頭混跡游他鄉豈不
愛生命恥終妾婦堂妾婦亦殺人被殺不覺傷巾幘繫
人手簪珥剗人腸一朝化塵土泉夜羞蓬桑功名誠難
立知已無相忘

飲馬

馬驚人不騎芻豆日在阜馬良人過求飛馳嘗不飽惡

馬逢少年罄控長安道綵幃金月題辟人誇姣好踏殺
良家兒如同踐蒿穉烽臺火夜明將軍事征討傳令選
上駟驚惡各自保良者三兩騎左右將軍蠡沙漠萬里
程安必善水草長嘶西北風筋力不奈老苦樂旣已殊
駕馭無顛倒

怨詩行

磬磬雲中雁遺音悽以愴悽愴如訴說欬歎多衷腸世
人不可解請問公治長公治聽其眞此鳥誠可傷言自
岫嶠山將赴崆峒陽一前慮矰繳一後殿以鷄一中前
後恃容與而頡頏中道遇僊人擁其前者行行沒雲

夢三忽成一雙三里一回叫五里一回瞠叫寂瞠無影
誰可補我羣誰可補我羣問我君鳳凰鳳曰爾多醜鳬
鵲卽可當鵲鵲及鵲鵲後俯皆前昂降心近鵲鵲亦得
豢稻梁言念鵲與鵲刀俎不可嘗試去約鳬鵲不能高
飛揚禿鵲復有蛇老鵲陰不陽鵲鵲厚毛羽滂澤心非
良我羣不可補我怨何時忘

苦陶先生於王撫軍座上作詩依韻代遣

舊遊難亢絕援止尙咸腓晉人餞宋客榮悴各有歸衆
鳥新林超孤雲危岫依勢力一作利不可忽素心詎易違

共舉友生觴疇深今昔悲日車轉易世出處不同輝率

此愛酒性但愁酩酊遲情所無奈何勉道弃如遺

白子隣虎居

摩肩不見人卜隣眈近虎炳毡儀其文風生領其武酩酊蹲石樓弱肉如登俎畏友能相容謀食屢荷吐山獸蒙惡聲町畦者自迂廁鼠不啖人挾之有何祐憂拊有仁聖虞廷稱率舞不可與同羣宣尼語自苦

惜正之老友三首

順庵曰絳州文養蒙字正之

文子實狂士其狂在謙下是甚不自有老蠢受人罵不遇可與言終年如無話半醉乃不禁缺齒懸河瀉博六賭大斗醉死不復怕高譚辟滿座深情動人訝因此似

狂者反爾疑其詐

龍門有辛子

順庵曰復元先生也

自是操守士信從與誹謗各不

得其是文生遊其門淑人爲衷只不必樹標幟實不負
桃李

弱冠遊錫山受教素修

馬文忠公字

老時文領精義復得聞

聖道東林禍作時共疑崖岸掃國難畢從容門牆益定
保坎壈而窮終竟能不潦倒不然以其才肯朽衡門草
況吾諗之子心計足論討

悼子堅二首

汾州王如金字子堅

王子狂而疏行眞不掩言於其所眞時磴磴亦未然詩

篇多新警殊不憂憂詮短小過遠衢厖大奴才駢醉眼
也西河黃茆連青天

一命可不愛如獨遺厥母太真猛渡河終天恨終古豈
無膝下兒病寒而汗迂際遇各有時性情殊樂苦

悼孫女班班

弱女雖非男慰情良勝無阿爺徒解醫不及爲爾咀遂
使曾祖婆失一嬌女娛生怕阿醴尋妹妹來牽車微情
無不到連日廢我書極知恩愛假真者定何如

好睡

好睡忙不得亦須心太閑靜神妙入竅聲色如仇剛以

此悟好死一往愁復還勞人待數極乃怨鬼伯難

秋霽向巖寺簷下枕書卧偶爾造適樹義不得刻

題作古度索書特爲作此法詩亦近得請印

乃如茲一時造適大無賴誠然不在遠心亦無所會萬
端莫知來未勞經意汰眼底長春花不憎亦不愛

春堤

好言不欲盡不遠無言時春河動惠漣引我行春堤虛
空滿風雲飛啄眞樞機耳順亦何難十年知命遲

游燕

殘雪照高樹夾道寒枿槎星月帶夜色凍洛開朝花母

念遊子寒應計衣未加兒身寒有時母心寒無涯

玉河

孱孱玉河水發自玉山趾一段關橋下一段宮牆裏宮
河照蛾眉關河咽遊子

丁酉二月十五日二首

世亂憐花朝蹢躅宇文河小砦俯春疇古紅愁婀娜酒
間引微情小語怨阿婆鸚鵡選芳樹翠羽凋蹉跎老夫
暗追憶國難雙義娥金鍾恥從革折桂斤香科各狗所
從嗔豈復舞婆娑呼延之宋莊目擊非傳訛摘豆蘄紅
裙投繯攀青柯

北曲謾晴嶸我好彈哀箏直上空青裂宛轉嶺嶙登傾
得丈夫耳喜無迂腐聲大安好搬法古雁飛冥冥老桂
與阿眼在野雙儀型花點亂絃索危柱服先生看看成
絕響寂寂誰傳情儒生歎禮樂積德百年興歌妓亦氣
運大風須太平文章光岳寶粉黛山澤精天地劇草昧
魑魅嬌飄颻佳人滯幽谷弱柳流春鶯老來易爲感強
酒偏不醒裂石好紅杏七日又清明

寺外

參佛不入寺寺西坐石頭靜跌見寂性柏子香微流一
晌當一世須陀洹不留夕陽淡山麓收視空應酌

兩嶺

消索兩嶺來疏得松七箇側根擎石舉客影輕瀉墮小
景亦可憐誰能白眼錯非關得少足會從此閒過

懷融苦酒薦至

極知酒猶兵一日不可缺老嬾想勝地苦春得檀越短
阮委泥巾荆筐連歲揭香生新柳林嬋娟酌娥月麴米
損財施領畧實兼法惜我多迂愁不能盃下沒長引睨
山河波瀾不自闕倏忽千萬里風帆溟海撥康成八尺
偉一斛辨端發袁曹官渡間經義無所豁魯皋乎奈何
儒生徒溫克卽昔諳此方大藁倍常額氣厚力自上無

待他醅醖眞苦通心膽回甘與天洽有威人乃畏無毒
物罔殺領酒思美人不飲還契濶

土堂雜詩十首

嬾鬟紺轆轤婉如不可畫春心溯烟入淒涼見之外美
人何時來至不知所在

高雲拂崖出澹氣無空虛吾生獨牽滯流盼悲華鬢伯
鸞死有墓乃傍要離墟

衰柳翳秋堤獨立觀灝氣濱河勤畚鍤哀此衣食計誰
謂管涔源亦有朝宗志

玉樹生庭階菁蔥自足喜淝水捷書至東山折屐齒王

家叔不癡定解愛武子

冬山靜如睡亦不廢秀美樹外明一河寒月與逶迤幽人眠偶遲獨賞其如此

娟娟春柳外春山與爭姿組之以春雲句嬾不勝思心目亦何極收視而置之

物性不可違迢之妙于潛鹵莽彼不服我亦未能恬牛餌稻不呵亦復重其天

不忍一世傷老玄憐孔仁甫田雜非種

一作稗種

鮒入擾眞

人乃今論倚伏莽亦漢功臣

讀書如觀化今昨無所住轉眼爲陳人寸心誰當遇無

用而篤生卓老惜長孺

青紫檀藥中妙有蟬蛻宮翟子如飛鳶磔柯消天風王
孫裸近道矯世猶棘胸

庚子二三月之間三首

豈非物外人經綸爲誰瘁細雨杏花下今古得小憩物
皆有自然顏色誰點綴山河氣概間轉更增嫵媚游鳧
溯前渠春綠灩于醉誘心如孩提酣然冀一睡

癡山得妙雲隱峯亂鎖顛欹危度枋子春態不可攬蘭
村杏花白裂石桃花舊山根班宿莽無言獨心領

秋冬無一詩花鳥詎如許一年快一年感慨何勝語天

機之所觸不選生如魯花鳥情有無木人作意阻鞮捷
多所礙於道亦齟齬南山起春雲東風吹小雨綠鏈動
青巖澹蕩鷗一駐爾我無小大道遙皆容與念人各有
志未償如責取君章近孔徒次都似老侶難易歸所天
易地失厯駢無用不可測未足抱奇舉湟圍解樊生烏
桓敗田父計癯僑一中亂賊恨賈誦鳳雛不雄飛伏龍
井絡挂阮公無臧否豎子歎廣武莊陵真高尚所際中
興主

蒼巖限韻

鐵崖苛草木幽樹鑒貞幹山樓敞夜扉石縫一星爛夢

迴香客喧無始方靜玩紛紛與白來萊抹巖之半

覽眉所顛倒宋書王鎮惡傳歎息有作

奇人非巨筆千古少生氣以此歎弱翰厥任亦弘毅細
腰月露情奈此雄虎鯤煌煌雲臺功寶彩卿雲鬣不得
龍門才英雄受經緯小子學編削早知左氏味左氏如
古錦終古五色爛堂堂敘大戰點綴波瀾沸文章亦神
物虎豹所炳蔚鄙夫飾固陋迺云道不貴皇猷久寂寞
鉛槧安彷彿磤磳擬老腕似足敵王愾輪扁有不傳夢
花亦蔽芾弧矢分已矣黼黻當焉暨每惜傳修期露布
名元魏

枕舷

枕舷看秋雲高情淡殺我南榮向與偕不知遺何所轉
頭心隨生卽復多不可皇皇尋前緒盈耳軋軋枕

別峯菴

一綠齊山灌巖竹沾沾特嬋娟笑風泉未免望眼識僧
樓香所茶頓忘琅玕惜誰教秋海棠崢嶸雲根溼前眼
復多注紅雪珊瑚滴瞭諦樓上峯紫帶佩水碧冉冉青
婀娜我又愛蘿薜流浪總無際過去亦頗釋偕憂來東
海慷慨絕不得

隴家谷爲趙生作

小谷喜名麗幽期誰與迥夫妻抱甕來風泉慰勞搢搨
搨敲石火徐徐引蘭鬢燒春甜雪消玉疊素雲雷楚音
闕希聲幽田動香暝無人入睥睨誰可共孟孟雌雄雙
酒龍佗凝蟠寒樾玉蟻齊眉斟白虹向衡沒潦倒酣鴛
鴦豈復酬蛩蛩醅醕見太始麀糟駭猝沫白季自晉風
梁鴻尙漢月齷齪伯倫家不共夫子汨舉盃謝時人老
姬種已坳任情遞眞君禮法膏陳契同穴省荷鍤醉死
誓勿畚

孔雀崖

孔雀崖之雲作孔雀翎華藤竹隨處有蒨蒨茲覺佳煩

心頓地涼悲意生梅槎大石蔭空龕木樨遲著花

東海倒坐崖

關窗出海雲布被裹秋皓夜半潮聲來鼇抃郁洲倒一
鎧續日月不寐照煩嬾佛事憑血性望望田橫島不生
不死閒云何爲懷抱

與右立

右立陳姓名
謫陽曲人

老友唯立十知吾濁與清一瓊擁離石心亦異吳澄讀
書寫細字華髮饒神精小函屢有詒眞義無葛藤客歲
吾離難自信明夷貞齒雪交羅干未敢虛受名愁我一
朝謫奇方撿秘經君以香附子三柰佐南星庸醫不解

旨難其非參苓櫟械獨微喻精製而深登藥香滿蘂藉
沈睡俄晨醒念茲出處異違心有同情破寒絕鐵嶂直
上胡牀繩有來茲者何陰岡殘雪凝透迤邐百里蒼黑
摩靑冥檫駁舉老赭寒聲鳴甲兵南睇氣爲壯不憚孤
侵星有話敢與說擬作懸河傾奇字識無益急謝侯芭
生臯比亦遊戲元經續不勝黃冠本寂寞胡造深山疊
旣見不可語語卽駭衆聽當今之爾我難乎其友朋

始衰示眉仁

始衰學自解一切遺不拾所苦此心在置之隨復繫舟
楫恣消搖江山莫非泣耳目竟何司不覺老從入飲食

總無味醒脾謝霜菰違心之應酬夢迴冷汗清極知需
藥餌一嬾不復急本自才情人遭際令獨立天親多異
趣米鹽有未翕今古不勝論傅史勸自輯分明詒汝曹
省如治命嘉文武各有數識幹時難入子衛侯昆陽母
弟乃被執薄功在雲臺隱痛與臺岌北史惜修期知人
囿於習念我弱冠年命藝少舊襲塾題試致身滿臆河
山疲遂云割裂收如作殘肢葺不謂竟成識短綆艱自
汲抱策瞻閭闔儻俦視戈鋌吾宗南宋奇一高至百十
閒闢黃漢勞那得不重挹獵寓胡元書傳姓幸稀屈金
河殺佐奴無知直中冊洎寒天地閉箕尾光亦蟄甲午

朱衣繫自分處士，殞死之有遺恨不死亦羞。澀斜川紀游後十餘年，乃畢自顧無道氣。褊中但填悵，一旦溘焉逝。諄告兒不及，父亦多誤子。虞汲之兒集。

雪中過五峯道師留夜談

山靈若相召，適自長安來。紅葉不到眼，寒山生玉苔。王倪經四問，鮑照失多才。靜夜發微論，有身良可哀。

看巖柏度雲得

閑雲冑疏柏，去住都無心。擣首攬其妙，冷殺勞勞人。河渚鸞鴛游，豈復塊竄塵。祇以情之篤，一偶亦苦因。晴霞籠花樹，蕩意山亭春。紛華聞卜子，書院歸西汾。立心悟。

禮後倩盼實先援麥蝶若一作及楓羽情性無端倫起滅
有應否莫不潛其根丹桂守一命大覺輸空門還來理
榔栗千山休厭深

半刻

半刻得無夢覺如初有眼覽物不知深觀道妙于淺片
席少勃谿花林蔭書卷

調饑七章

調饑厭穀氣菊葉裹桑椹甘苦俱到心露濃回霜凜顧
彼丹榴花灼灼傍寒井

何幽無草木採摘鮮友朋上黨亦有參五臺亦有苓何

爲重獨往幽獨難爲情

七歲悲生死於今五十六此生旦暮了不暇悔悠忽哀哉種益滋誰能斷不續

服氣可以飽餐志亦能饑文章富肴醢仁義調和之山圖把芝草哀哀在瑤池

遠期諒難得卽今得何好立身聞聖言撫心益用老聊復學童蒙離騷拾香草

掃地亦假淨心乃爲清涼中外有相待耳目宜高爽天下謾掃除一室施吾牀

紫芝清真士自處如羲軒我心何獨褊惡人門外喧兒

孫許詩酒不容無微援

偶借法字翻杜句答補巖

問詩看法妄索解傍人癡知此不知彼一是還一非情
性配以氣盛衰惟其時滄溟發病語慧業生詩歸捉得
竟陵訣弄渠如小兒

風有方圓否水因搏擊高偏才遇亂世噴口成波濤按
著盛唐覓突灑奴目逃不論河岳氣私各光紹豪文人
不相下直不眞文曹針芥膠臭味旗鼓權勁矛擬議屬
誰何小技吾心勞

費眼打油示少年

費眼又費心讀書本無樂蓼蟲不覺苦業自幾時作以
茲爲名地惟恐不宏博穿窬復掩藏不中冷眼矇憐此
襲取勞其意亦不惡無奈所與者黠覺多輕薄不能驢
耳見掘地小吆喝若是老伽文鈔點覆藏橐財施亦福
田不如法施渥未聞以名施受名日墮落離婁閉其眼
盲瞽舞摸索不知誰給誰萬古黑難覺妻子見握卷公
然推坏璞奴婢見作文主人好才學不如不識字天全
其五鑿茗蔕透悟時亦虧老鈍殼此中實踐程百巧不
如拙男兒生世間何必此管搨眞名已如膩達士求解
脫假名復何味如蜜如乳酪抵死不肯捨何關於皮膜

莊語犯之怒譴浪風耳邈山斗相稱讚傾倒逆與莫此
咎當誰任嗚呼朋友戾

李賓山效東野書壁

古舌老鶴寂新簀春鶯媚孰耳後牙後于佛前僧前峙
流持不動義利風難圓片石獨勸芥宿夕華嚴緣

看灰稻

佳稻藤惡藥用灰以殺之殺草不殺稻灰之威愛奇陰
陽莽生意良惡原兼滋造化隨種性人工須芟夷君子
少爲貴宵人多其宜內觀阿賴識染淨同樞機心王卽
天吏逸德無過差百藥中灰力一吐百病衰積習一痛

除亦屬眞宰威安得援胥良幡然無用師

示弟姪

四十年前時曾於東塾牆楷書百一詩冀爲眞冷方睥
睨末如何謾謾經滄桑濯纓風耳異逢怒能意莊鱗甲
生庭荆姑息融面霜且圖將順美不發在心兵奄忽至
今日鴿原火猶張老夫無比數學力劣雁行自居謂他
山似可發玉光異性或少益同氣看茫茫不知是不屑
其別有肺腸無咎恥一悔復憶爲軒昂撫孤轉歎息宿
留成清猗來氣久染卑往意當何強頽茅畢草味我本
徒蒙莊不欲弟姪輩不登賢者堂修名竟難立甘孤宗

祖望怠怠兩痼疾昌黎窺膏肓

樓煩河橋上經行

云何於此水不覺天爲親樓煩橋上耳裂石灘中音豈
非以習故乃見臣子心

天龍禪閣燒香

心香薰彌羅四十萬里上一片熱梅檀諸天啟瑤幌斤
斧雖時窺性氣不改亢靈根蟠碧海日月浴香浪

霜紅龕集卷三